



Broj: 14-02-04-05518/25
Datum: 20. 10. 2025. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 SARAJEVO
N/r Elvedin Okerić, predsjedavajući

KANTON SARAJEVO

22-10-2025

PREDMET: Odgovor na zastupničko pitanje, dostavlja se;
VEZA: Vaš akt, broj: 01-04-31603-37/25 od 01.10.2025. godine

Poštovani,

U skladu sa vašim aktom, broj i datum veze, kojim ste nam dostavili zastupničko pitanje zastupnice Jelene Pekić, a koje glasi:

1. "Koliko je bilo inspekcijskih nadzora prekovremenog rada i na koji način se vrši isti, za period 2022-2024 (evidenciju dostaviti po godinama)?"
2. Da li ima prijava od strane radnika u vezi sa zloupotrebom prekovremenog rada od strane poslodavaca i na koji način se štite prava prijavitelja u smislu sigurnosti i zadržavanja posla nakon prijave, za period 2022-2024 (evidenciju dostaviti po godinama)?", dajemo odgovore kako slijedi:

Na osnovu dostavljenih podataka od strane postupajućih inspektora rada utvrđeno je da je na okolnost prekovremenog rada u:

- 2022. godini bilo 35 inspekcijskih nadzora
- 2023. godini bilo 26 inspekcijskih nadzora
- 2024. godini bilo 60 inspekcijskih nadzora.

Svi inspekcijski nadzori prikazani po gore navedenim godinama rađeni su po prijavama radnika, bilo da su potpisane od strane radnika ili anonimno.

Odredbama člana 30. stav (1) Zakona o inspekcijama Kantona Sarajevo ("Sl. novine Kantona Sarajevo", br. 2/17 i 37/21) propisano je da pravna i fizička lica mogu podnijeti pisani zahtjev nadležnoj inspekciji ili Kantonalnoj upravi za inspekcijske poslove da izvrši inspekcijski nadzor, a stavom (5) istog člana: "Inspektor, koji učestvuje u inspekcijskom nadzoru iz stava (1) ovog člana dužan je da čuva identitet pravnih i fizičkih lica iz stava (1) ovog člana kao službenu tajnu iz člana

25. ovog Zakona, te stavom (6) "Izuzetno od stava (5) ovog člana, inspektor nije dužan čuvati kao službenu tajnu identitet pravnih i fizičkih lica koji sudjeluju u nadzoru kao zainteresirana strana radi zaštite svojih prava i pravnih interesa, ako to po prirodi stvari nije moguće ili je tako propisano zakonom".

Naime, sam član 25. citiranog zakona propisuje:

"(1) Inspektor je dužan čuvati službenu i svaku drugu tajnu sa kojom se upozna u vršenju inspeksijskog nadzora.

(2) Inspektor je dužan čuvati tajnost prijave i druge informacije koje se tiču inspeksijskog nadzora što uključuje i dokumentaciju, dokaze i podatke utvrđene ili nastale u inspeksijskom nadzoru.

(3) Dužnost čuvanja tajne u smislu st. (1) i (2) ovog člana traje i nakon prestanka obavljanja dužnosti inspektora".

Dakle, inspektori rada uglavnom metodom slučajnog odabira, ako je to moguće, vrše kontrolu uvidom u traženu, relevantnu i raspoloživu dokumentaciju s ciljem utvrđivanja prekovremenog rada.

Inspeksijski nadzor na okolnost "prekovremenog rada" vrši se uvidom u predložene evidencije iz člana 43. Zakona o radu, te ukoliko se iz istih utvrdi da postoji prekovremeni rad i da poslodavac nije postupio shodno članu 76. Zakona o radu, a koji propisuje: "Radnik ima pravo na povećanu plaću za otežane uvjete rada, prekovremeni rad i noćni rad, te za rad na dan sedmičnog odmora, praznika ili nekog drugog dana za koji je zakonom određeno da se ne radi, u skladu sa kolektivnim ugovorom, pravilnikom o radu i ugovorom o radu", inspektor djeluje u okviru svojih ovlaštenja.

U slučaju da inspektoru u toku inspeksijskog nadzora se ne predoči gore navedena evidencija ili iz iste nije moguće utvrditi prekovremeni rad jer se ista vodi ali neuredno, a poštujući odredbe Pravilnika o sadržaju i načinu vođenja evidencije o radnicima i drugim licima angažovanim na radu ("Sl. novine Federacije BiH", broj 92/16), postupajući inspektori također djeluju u okviru svojih ovlaštenja.

Inspekcija rada ima zakonsku mogućnost da zabrani prekovremeni rad uveden suprotno članu 38. stav 1. do 4. Zakona o radu.



Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

Akt sačinila: Selma Suljević